

ազատեցար ի վանքնեքէն. և եկի բազում  
քաղաքաւ ընդ եզերը համատարած ծոփն  
և լեզու բնաւ չի հասկանալ. բայց Բարէն  
թխտովն կու հարկէին: Եւ ելաք ի քա-  
ղաք մի որ մեծ գետ կու գայր յեզրն ի  
վայր. 68 ակն կամուրջ էր կապած. և  
յանցեալ հասած մեծ Վիլվալ<sup>38</sup> և կեցայ  
անդ 3 յաւր: Եւ ելեալ յանտի գնացի  
քսանեւեօթն յօր և հասա ամենօրհնեալ  
քաղաքն ի Կեթարիայ<sup>39</sup>. որ և մեծ հարկօր  
պատուեցին զմեզ. և կեցայ անդ եօթն  
յօր և գտեալ մեծ նաւ մի որ ասացին  
թէ ութսունհազար դանդար բռն ունիմ,  
և աղաչեցի զիրիցանին թէ ասէք որ զիս  
այլ ի նաւն առնուն, այլ չեմ կարել քա-  
լել, անձինս տազարթն հատաւ: Եւ նորա  
կու զարմանային թէ զայս աշխարհս դու  
ննց կացիր հետեակ քալել. և գնացին  
գնաւ տէրն աղաչեցին մեզ. Այս հայ կար-  
գաւորն ի նաւդ առէք, հետու յաշխարհէ  
եկեալ է և չի կարել ցամաքով ի յետ  
դառնայ: Կարդացին զՊապին թուխտն, որ  
լսեց և ասաց թէ կառնում ի նաւս, և  
ապա ասացէք դորայ որ զիտենայ որ ես  
համատարած ծովով կ'երթամ. իմ նաւս  
պազիրկեան չի մտներ. այս կատար մարդս  
որ կայ նաւիս ծառութովորք են. մենք զմեր  
արեւուն թարկն տվեր ենք և Աստուած  
ապաւինեք. թէ նասիպս բերէ որ Աստուած  
ազատէ զմեզ որ բոլորենք զաշխարհսն՝ այ-  
լաւ?, և թէ չէ՛ նայ զայն Աստուած զիտէ.  
այլ ի հով ճար չունիմք գնալու, թէ դու  
այլ կամք ունիս՝ խիստ բարի. արեկ ի  
նաւս զհացդ ու զկերդ ու զխում մի հո-  
գալ. քո վարձքն այլ քեզ: Այն կարգա-  
ւորքն՝ թէ մեք այլ հոգի ունինք զդորայ  
պաքսիմատն. և զինչ որ Աստուած պա-  
տրաստեալ է՝ մենք կու հոգանք: Գարձան  
ի քաղաքն և ժամուն ատեն հասկացու-  
ցին ժողովրդեանն թէ այս հայ կարգա-  
ւորս ի նաւ կու մտէ. ձեր տղայոց ա-  
րեւուն համար և ձեր հոգուս իրենս ազիխ  
ժողովեցէք: Անչափ բարի բերին որ քանի  
շատ ուտէին չեր հատնիր: Եւ մտաք  
ի նաւն Նոր Կիրակին երեքշաբթի օրն  
և վաթսունեւեօթ օր զաշխարհ բոլորե-

ցաք և եկաք եզր աշխարհի քաղաքն յԱն-  
դայլուզիայ<sup>40</sup>, եկաք ի ան քաղաքն որ ի  
մէջ ծովուն էր և կեցաք ի յան քաղաքն  
իննեւտասն յօր. զի մեծ ալեկոծութեան  
հասաք ու հանդիպեցաք, և կասարքն պա-  
տառեցաք, եկին այն տեղն շինեցին և  
ինքն խիստ գեղեցիկ քաղաք էր փոքրիկ  
և փառով ելինն: Եւ այս տեղացս բա-  
ժանեցայ և գնացի ի Սանթամարիա Կա-  
տալուքն<sup>41</sup>. և անտից ի Սպիրիտայ<sup>42</sup>, որ  
զԽաթունն տեսայ և յետ դարձայ:

Եւ ելեալ յանտից նաւովս և ութեւե-  
տասն յօրն եկեալ հասանք յաշխարհն  
Մաղրիպացոց, զի քամին ի դէմ էր և  
ֆուռթունայ էր. եկեալ ելան ի Սալաւ-  
պրունայ<sup>43</sup>. և ես այլ ի նաւ չիմտայ. ելայ  
կեցայ երեք օր և ելեալ միայն միայ-  
նակ ի Մաղրիպացոց մէջն ի ներս մեծ մի  
լեռ յանցայ որ երկու յօր ի կէսն եկի.  
և եկի ի Մաղրիպացոց թախտն ի Կրի-  
տան<sup>44</sup> օր Խաթուն էր առել մեծ և բարելի  
քաղաքն, և կեցայ մետասան օր, և ելեալ  
հինգ արն եկի ի մեծն Աճայէն<sup>45</sup> որ անդ  
էր մէկ դաստառակն Քրիստոսի. և եկեալ  
անտից ի Սպայիտայ<sup>46</sup>. և անտից յՈւլվի-  
թայ<sup>47</sup> և յանտից ի Սանրստեֆան<sup>48</sup>. և յան-  
տից ի Պուրդուս<sup>49</sup>. ասինչ ի Չնչիլայ<sup>50</sup> որ և  
ներք սեւ ցաւ եղայ և կեցայ հինգ յօր որ  
պարոնն հորմն արաւ հաքիմն որ քիչ  
մի լաւցայ. և յանտից Ամանց<sup>51</sup>, և անտից  
ի Ֆալատէզ<sup>52</sup>, և ի Մուլին<sup>53</sup> և անտի ի մեծն  
Սանդիլայ<sup>54</sup> որ էր քսանեւեօթ հազար տուն.  
և անդ կրկին հիւանդութիւն քաշեցի փոր-  
ցաւ եղաւ, և այն կարգաւորքն մեծ սի-  
րով ընդունեցան և ինձ ծառայութիւն  
արին մինչեւ որ առողջացայ. և ելեալ  
գնացի զիրար և անտից հնգետասան յօր  
հասայ ի մեծն Վահնցիայ<sup>55</sup> որ էր եօթա-  
նասուն հազար տուն, և կեցայ չորս օր.  
և յանտի գնացի ի Աւարն ի մեծ քաղաքն  
Պարսալոն որ է իննսուն հազար տուն,  
և կեցայ վեց օր և անտից ի Բրբընիայն<sup>56</sup>,  
և յանցեալ յաշխարհն Կաղալին և գնացի  
զաւուրս ԼԳ և հասի յաշխարհն Յիցիլային?  
և անցեալ բազում քաղաքաւ յաշխարհն  
Ֆրանցօզաց զաւուրք բազումք յանցայ